

Ymateb Ysgrifenedig gan Lywodraeth Cymru i adroddiad Pwyllgor Diwylliant, y Gymraeg a Chyfathrebu, sef 'Gwireddu'r Uchelgais: Ymchwiliad i Strategaeth Gymraeg newydd Llywodraeth Cymru'

5 Gorffennaf 2017

Rwy'n ddiolchgar i Bwyllgor Diwylliant, y Gymraeg a Chyfathrebu am ei ymchwiliad. Mae'r dystiolaeth a gasglwyd gan y Pwyllgor a'r trafodaethau yn ystod sesiynau'r Pwyllgor wedi bod yn ddefnyddiol wrth inni gadarnhau manylion terfynol y strategaeth. Byddwn yn cyhoeddi'r strategaeth yn fuan.

Mae'n amlwg y bydd angen gwneud newidiadau mawr er mwyn cyrraedd y nod o gael miliwn o siaradwyr Cymraeg erbyn 2050, a bydd y strategaeth derfynol yn amlinellu'n glir y camau rydym yn eu hystyried yn angenrheidiol er mwyn cyflawni'r amcan hwn. Bydd y strategaeth derfynol yn rhoi sylw i lawer o argymhellion Aelodau'r Pwyllgor.

£36.195m yw cyllideb refeniw Is-adran y Gymraeg ar gyfer 2017-18. Hon yw'r gyllideb sy'n ariannu gweithgareddau a rhaglenni i gefnogi Strategaeth Cymraeg 2050. Mae'n cynnwys dyraniad ychwanegol o £5 miliwn tuag at y Gymraeg yn ystod y flwyddyn ariannol gyfredol er mwyn gwella hyfforddiant mewn sgiliau Cymraeg yn y gweithle a chynyddu gweithgareddau i hybu a hwyluso'r defnydd o'r Gymraeg – dwy elfen allweddol o'r Strategaeth. Mae £4,105,000 yn ychwanegol wedi'i ymrwymo o Linell Wariant 5511 yn ystod blwyddyn ariannol 2017-2018 er mwyn cynyddu nifer yr ymarferwyr addysgol sy'n gallu addysgu'n hyderus drwy gyfrwng y Gymraeg.

Wrth fynd ati i weithredu'r Strategaeth, bydd angen ailddyrrannu cyllid ac adnoddau o fewn cyllideb bresennol y Gymraeg mewn meysydd penodol er mwyn cyflawni'r blaenoriaethau allweddol. Rhoddir cyngor yn hyn o beth ar yr adeg briodol. **Gan fod hon yn strategaeth a fydd yn cwmpasu 33 o flynyddoedd, bydd angen i weinyddiaethau'r dyfodol wneud penderfyniadau ar flaenoriaethau cyllid drwy gydol oes y Strategaeth, yn amodol ar y cylchoedd cyllidebol.**

Nodir yr ymatebion manwl i argymhellion yr adroddiad isod:

Argymhelliad 1

Rydym yn argymhell y dylai'r Llywodraeth gyhoeddi ei thybiaethau sylfaenol am y cynnydd mewn siaradwyr Cymraeg y mae'n disgwyl o'i hymyriadau arfaethedig a'i bod yn ymgynghori ymhellach ar dargedau a cherrig milltir manwl sy'n canolbwyntio ar ganlyniadau cyn eu mabwysiadu ar gyfer y strategaeth newydd.

Ymateb: Derbyn

Bydd y rhagdybiaethau sylfaenol am y cynnydd mewn siaradwyr Cymraeg wedi'u cynnwys yn y Strategaeth a gaiff ei chyhoeddi – Cymraeg 2050. Bydd hon yn dangos y taflwybr a ragwelir tuag at y miliwn o siaradwyr, ac yn cynnwys y cerrig milltir ar hyd y daith. Byddwn yn monitro, yn gwerthuso ac yn ymgynghori'n barhaus ar sut y gweithredir y strategaeth, gan ddefnyddio'r cerrig milltir i olrhain y cynnydd.

Goblygiadau Ariannol – Dim.

Argymhelliad 2

Rydym yn argymhell y dylai'r strategaeth derfynol roi sylw dyledus i bwysigrwydd meithrin defnydd iaith yn y cymunedau, mewn bywyd cymdeithasol ac mewn gweithleoedd. Dylid gwneud hyn ochr yn ochr â chaffael iaith drwy addysg cyfrwng Cymraeg, addysg blynyddoedd cynnar a gwella ansawdd addysg Cymraeg mewn ysgolion cyfrwng Saesneg a chanlyniadau Cymraeg i ddisgyblion.

Ymateb: Derbyn

Bydd y Strategaeth a gaiff ei chyhoeddi yn amlinellu'r berthynas agos rhwng dysgu'r iaith a defnyddio'r iaith.

Goblygiadau Ariannol – Dim.

Argymhelliad 3

Rydym yn argymhell bod yr Asiantaeth newydd arfaethedig ar gyfer Hyrwyddo'r Gymraeg yn canolbwyntio'n glir o'r dechrau ar helpu i gyrraedd y nod strategol cyffredinol o filiwn o siaradwyr Cymraeg yn enwedig drwy helpu rhieni i ddeall manteision addysg ddwyieithog a dysgu Cymraeg mewn ysgolion y tu allan i'r sector cyfrwng Cymraeg.

Ymateb: Derbyn yn rhannol

Mae Mesur y Gymraeg (Cymru) 2011 yn cael ei adolygu ar hyn o bryd. Byddwn yn ymgynghori â'r cyhoedd ar y strwythurau sydd eu hangen mewn sefydliadau er mwyn cyflawni Cymraeg 2050, gan gynnwys hybu'r Gymraeg.

Goblygiadau Ariannol – Mae cyllideb ychwanegol o £2miliwn wedi'i dyrannu tuag at hybu'r Gymraeg yn ystod 2017-2018 tra bydd y broses ddeddfwriaethol yn cael ei chwblhau.

Argymhelliad 4

Rydym yn argymhell bod Llywodraeth Cymru yn nodi fel blaenoriaeth, a hynny ar fyrder:

- Ei hasesiad o faint o athrawon ychwanegol sy'n gallu addysgu drwy gyfrwng y Gymraeg fydd eu hangen er mwyn cyrraedd nod cyffredinol y strategaeth;
- Pryd y bydd angen yr athrawon hynny;
- Sut y bydd yn nodi, recriwtio a hyfforddi'r athrawon hynny ar gyfer yr adeg y bydd eu hangen.

Ymateb: Derbyn

Bydd Strategaeth derfynol y Gymraeg yn cynnwys targedau ynghylch nifer yr athrawon ychwanegol y bydd eu hangen er mwyn addysgu Gymraeg a thrwy gyfrwng y Gymraeg ar wahanol adegau rhwng nawr a 2050.

Wrth gynllunio'r gweithlu, mae'n rhaid llunio gwahanol strategaethau er mwyn sicrhau cyflenwad digonol o ymarferwyr o ansawdd uchel. Bydd Llywodraeth Cymru yn cydweithio â rhanddeiliaid allweddol er mwyn datblygu cynllun ar gyfer y gweithlu a fydd yn cynyddu nifer yr ymarferwyr sy'n gallu addysgu Gymraeg a thrwy gyfrwng y Gymraeg.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 5

Rydym yn argymhell bod Llywodraeth Cymru yn ystyried pa help a chefnogaeth ychwanegol y mae angen iddi eu darparu i gyflogwyr yn y sector preifat a busnesau er mwyn eu galluogi i ddatblygu ac ehangu eu darpariaeth Gymraeg fel rhan o'r broses o gyrraedd nod cyffredinol y strategaeth.

Ymateb: Derbyn

Caiff manylion pellach eu cyhoeddi yn y Strategaeth a'r Rhaglen Waith ynghylch sut bydd Llywodraeth Cymru yn ceisio helpu cyflogwyr y sector preifat i ehangu eu darpariaeth Gymraeg.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 6

Rydym yn argymhell bod Llywodraeth Cymru yn cyhoeddi ar fyrder ei hasesiad o'r adnoddau ychwanegol y bydd eu hangen i gefnogi'r nod strategol o gyrraedd 1 filiwn o siaradwyr Cymraeg erbyn y flwyddyn 2050. Dylai hyn gynnwys proffil a ragwelir o'r gwariant dros ran gynnar y strategaeth ac asesiad o'r gost gymharol o beth fydd yr ymyriadau amrywiol angenrheidiol yn debygol o fod.

Ymateb: Derbyn yn rhannol

Mae £10m ychwanegol wedi ei ddyrannu eleni i ddechrau gweithredu'r Strategaeth newydd, sy'n cynnwys cyllid ychwanegol i wella sefyllfa'r Gymraeg yn y gweithle, hyrwyddo'r Gymraeg, a cefnogi'r sector addysg fel a gyhoeddwyd ar 4 Gorffennaf 2017. Bydd gwneud y mwyaf o'r cyllid sydd ar gael ar draws Llywodraeth Cymru yn allweddol.

Goblygiadau Ariannol – Dim

Argymhelliad 7

Rydym yn argymhell bod Llywodraeth Cymru yn ymateb yn benodol i asesiad Mudiad Meithrin y bydd angen 650 o gylchoedd meithrin newydd ychwanegol i gefnogi'r strategaeth.

Ymateb: Gwrthod

Rydym yn derbyn nod yr argymhelliad i gefnogi darpariaeth feithrin ychwanegol, ond nid ydym yn cydnabod y ffigur 650 o grwpiau. Caiff y targedau ar gyfer darpariaeth feithrin ychwanegol eu cyhoeddi yn y strategaeth newydd.

Goblygiadau Ariannol – Dim.

Argymhelliad 8

Rydym yn argymhell y dylai ehangu darpariaeth cyfrwng Cymraeg y blynyddoedd cynnar fod yn flaenoriaeth wrth ystyried cyllid ychwanegol o dan y strategaeth.

Ymateb: Derbyn

Caiff manylion pellach am rôl darpariaeth y blynyddoedd cynnar eu nodi yn Strategaeth derfynol y Gymraeg.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 9

Rydym yn argymhell y dylai Llywodraeth Cymru ystyried darparu hyfforddiant Cymraeg am ddim i rieni sy'n rhoi eu plant i ddarpariaeth cyn-ysgol cyfrwng Cymraeg.

Ymateb: Derbyn

Rhoddir ystyriaeth i'r opsiwn hwn fel rhan o'r adolygiad o wersi Cymraeg i deuluoedd sydd eisoes ar y gweill gan y Ganolfan Dysgu Cymraeg Genedlaethol.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 10

Rydym yn argymhell bod Llywodraeth Cymru yn cymryd camau i wella'r wybodaeth sydd ar gael ar alluoedd ymarferwyr y blynyddoedd cynnar o ran y Gymraeg er mwyn iddi allu cynllunio'n briodol i sicrhau bod gan ymarferwyr y gymysgedd gywir o sgiliau a chyfleoedd i gamu ymlaen er mwyn cefnogi amcanion y strategaeth.

Ymateb: Derbyn

Mae meithrin gwell dealltwriaeth o allu gweithlu'r blynyddoedd cynnar i weithio drwy gyfrwng y Gymraeg yn rhan hollbwysig o ddatblygu'r ddarpariaeth, a bydd manylion pellach ynghylch hyn yn nogfennau'r strategaeth.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 11

Rydym yn argymhell bod Llywodraeth Cymru yn nodi'n fanwl sut y mae'n bwriadu symud "ysgolion ar hyd y continwmm ieithyddol", gan gynnwys enghreifftiau o fodelau arfer da, gan ganolbwyntio'n benodol ar sut y bydd yn mynd i'r afael ag unrhyw bryderon gan rieni a'r gymuned ehangach.

Ymateb: Derbyn mewn egwyddor

Swyddogaeth awdurdodau lleol yw cynllunio lleoedd ysgolion a nodi eu cynlluniau ar gyfer datblygu addysg Gymraeg yn eu Cynlluniau Strategol Cymraeg mewn Addysg. Ond mae Llywodraeth Cymru yn bwriadu adolygu'r rheoliadau a'r canllawiau mewn perthynas â Chynlluniau Strategol Cymraeg mewn Addysg er mwyn hyrwyddo'r broses o symud ysgolion ar hyd y continwmm ieithyddol.

Wrth gynnig newidiadau sylweddol, rhaid i awdurdodau lleol a chynigwyr eraill gydymffurfio â Deddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion, gan gynnwys newidiadau o ran ymgynghori. Ar hyn o bryd mae'r Cod Trefniadaeth Ysgolion yn destun ymgynghoriad.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 12

Rydym yn argymhell y dylai'r strategaeth derfynol bwysleisio'r angen i symud i nifer fwy o ddisgyblion ar draws y continwwm iaith a sut y cyflawnir hyn ym mhob categori ysgol yng Nghymru.

Ymateb: Derbyn

Mae Llywodraeth Cymru eisoes wedi ymrwmo i gyflwyno un continwwm dysgu Cymraeg i bob disgybl yng Nghymru fel rhan o'r cwricwlwm newydd. Wrth i'r cwricwlwm gael ei ddatblygu, darperir manylion pellach ar sut y caiff hyn ei weithredu.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 13

Rydym yn argymhell bod Llywodraeth Cymru yn gwerthuso effeithiolrwydd ei chynllun presennol i wella lefel Cymraeg athrawon sy'n ymarfer ac yn nodi amserlen arfaethedig ar gyfer sut y gall athrawon sy'n siarad Cymraeg, nad ydynt yn addysgu yn Gymraeg ar hyn o bryd, gael eu hannog i wneud hynny gan gynnwys darparu rhagor o gyfleoedd:

- iddynt drosglwyddo i addysg cyfrwng Cymraeg;
- i fentora a chynlluniau eraill i helpu i feithrin hyder yn eu gallu o ran y Gymraeg.

Ymateb: Derbyn mewn egwyddor.

Mae Llywodraeth Cymru wedi cynnal tri gwerthusiad o'r Cynllun Sabothol ers iddo ddechrau yn 2006. Mae'r gwerthusiadau yn dod i'r casgliad bod y Cynllun yn effeithio ar sgiliau Cymraeg ymarferwyr a'u gallu i addysgu Cymraeg a thrwy gyfrwng y Gymraeg neu'n ddwyieithog. Cynllunnir mwy o werthusiadau yn rheolaidd pan fydd yn briodol.

Mae angen defnyddio gwahanol strategaethau wrth gynllunio'r gweithlu er mwyn sicrhau cyflenwad digonol o ymarferwyr o ansawdd uchel. Bydd Llywodraeth Cymru yn cydweithio â rhanddeiliaid allweddol er mwyn datblygu cynllun i gynyddu nifer yr ymarferwyr sy'n gallu addysgu Cymraeg a thrwy gyfrwng y Gymraeg.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 14

Rydym yn argymhell bod Llywodraeth Cymru yn nodi'n glir:

- faint o athrawon ychwanegol sy'n gallu addysgu drwy gyfrwng y Gymraeg fydd eu hangen er mwyn cyrraedd nod cyffredinol y strategaeth;
- pryd y bydd eu hangen;
- faint o'r athrawon ychwanegol hyn fydd yn dod o'r gweithlu addysgu presennol a faint fydd yn dod i'r proffesiwn drwy hyfforddiant cychwynnol athrawon neu lwybrau eraill.

Ymateb: Derbyn

Fel y mae argymhelliad 4 yn ei nodi, bydd Strategaeth derfynol y Gymraeg yn cynnwys targedau ynghylch nifer yr athrawon ychwanegol sydd eu hangen i addysgu Cymraeg a thrwy gyfrwng y Gymraeg ar wahanol adegau rhwng nawr a 2050.

Mae angen defnyddio gwahanol strategaethau wrth gynllunio'r gweithlu er mwyn sicrhau cyflenwad digonol o ymarferwyr o ansawdd uchel. Bydd Llywodraeth Cymru yn cydweithio â rhanddeiliaid allweddol er mwyn datblygu cynllun i gynyddu nifer yr ymarferwyr sy'n gallu addysgu Cymraeg a thrwy gyfrwng y Gymraeg.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 15.

Rydym yn argymhell bod Llywodraeth Cymru yn ystyried sut y gall gynyddu'r cyflenwad o fyfyrwyr Cymraeg eu hiaith sy'n dilyn hyfforddiant cychwynnol athrawon neu lwybrau mynediad eraill i'r proffesiwn gan ystyried unrhyw oblygiadau recriwtio ehangach y gallai hyn eu cael ar recriwtio athrawon yng Nghymru ac mewn cystadleuaeth â rhannau eraill o'r DU.

Ymateb: Derbyn

Bydd Llywodraeth Cymru yn cydweithio â rhanddeiliaid allweddol i annog mwy i ddilyn cyrsiau addysg gychwynnol i athrawon.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 16

Rydym yn argymhell bod Llywodraeth Cymru yn ystyried rôl staff cymorth dysgu o ran cefnogi amcanion y strategaeth ac yn cymryd camau, ar y cyd ag Estyn a Chyngor y Gweithlu Addysg, i gael darlun cliriach o'u sgiliau iaith presennol i helpu i lywio'r gwaith cynllunio yn y dyfodol.

Ymateb: Derbyn

Mae Llywodraeth Cymru yn cydnabod rôl staff cymorth dysgu wrth gyflawni amcanion y strategaeth. Ar hyn o bryd, rydym yn darparu cyrsiau Sabothol penodol i staff cymorth dysgu gael dysgu Cymraeg neu wella eu Cymraeg. Caiff staff cymorth dysgu eu cynnwys yn ein cynllun ehangach ar gyfer y gweithlu sy'n rhoi sylw i ymarferwyr addysg.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 17

Rydym yn argymhell y dylai'r strategaeth newydd roi pwyslais cyfartal ar wella deilliannau yn arwyddocaol yn sgil addysgu Cymraeg ail iaith, ynghyd â chynyddu'r niferoedd sy'n cael addysg cyfrwng Cymraeg neu ddwyieithog.

Ymateb: Derbyn

Mae manylion pellach wedi'u cynnwys yn y strategaeth derfynol.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 18

Rydym yn argymhell bod Llywodraeth Cymru yn nodi'n glir sut y bydd yn gwella'r gwaith o addysgu Cymraeg mewn ysgolion cyfrwng Saesneg yn arwyddocaol.

Ymateb: Derbyn

Mae Llywodraeth Cymru eisoes wedi ymrwymo i gyflwyno un continwrm dysgu Cymraeg i bob disgybl yng Nghymru fel rhan o'r cwricwlwm newydd. Wrth i'r cwricwlwm gael ei ddatblygu, darperir manylion pellach ar sut y caiff hyn ei weithredu.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 19

Rydym yn argymhell bod Llywodraeth Cymru, ynghyd â CBAC yn adolygu'r ddarpariaeth o adnoddau dysgu cyfrwng Cymraeg ar gyfer myfyrwyr i sicrhau nad yw myfyrwyr sy'n cael eu haddysg drwy gyfrwng y Gymraeg o dan anfantais.

Ymateb: Derbyn

Mae Llywodraeth Cymru yn rhoi grant i CBAC er mwyn darparu adnoddau ar gyfer cymwysterau cyfrwng Cymraeg, a bydd yn parhau i ddarparu'r cyllid hwn. Yn dilyn yr uwchgynhadledd ar adnoddau dwyieithog ym mis Ebrill, mae'r gwaith o adolygu'r sefyllfa wedi dechrau ac rydym yn dod o hyd i ateb hirdymor i'r angen am adnoddau i gefnogi cymwysterau a'r cwricwlwm.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 20

Rydym yn argymhell y dylid cynnal gwerthusiad trylwyr o'r Cynllun Sabothol gan edrych yn arbennig ar ei werth am arian o ran gwella deilliannau yn yr ystafell ddosbarth ac annog mwy o athrawon i addysgu Cymraeg neu drwy gyfrwng y Gymraeg.

Ymateb: Derbyn mewn egwyddor

Mae Llywodraeth Cymru wedi cynnal tri gwerthusiad o'r Cynllun Sabothol ers iddo ddechrau yn 2006. Mae'r gwerthusiadau yn dod i'r casgliad bod y Cynllun yn effeithio ar sgiliau Cymraeg ymarferwyr a'u gallu i addysgu Cymraeg a thrwy gyfrwng y Gymraeg neu'n ddwyieithog. Cynllunnir mwy o werthusiadau yn rheolaidd pan fydd yn briodol.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 21

Rydym yn argymhell bod yr Asiantaeth newydd arfaethedig ar gyfer Hyrwyddo'r Gymraeg, gan weithio gyda chyrrff sefydledig a mentrau lleol, yn hyrwyddo a

marchnata'r Gymraeg fel iaith gymunedol sydd â manteision i siaradwyr fel sgil ac yn y gweithle.

Ymateb: Derbyn mewn egwyddor

Bydd Llywodraeth Cymru yn mynd ati i wneud gwaith ychwanegol i hyrwyddo'r Gymraeg tra bydd y ddeddfwriaeth bresennol yn cael ei hadolygu. Bydd hyn yn cynnwys hyrwyddo'r iaith fel sgil yn y gweithle, ac ymgysylltu'n fwy â sefydliadau a mentrau cymunedol.

Goblygiadau Ariannol – Mae £2 miliwn ychwanegol wedi'i ddyrannu i gyflawni gwaith yn y meysydd ychwanegol hyn yn ystod blwyddyn ariannol 2017-2018.

Argymhelliad 22.

Rydym yn argymhell bod Llywodraeth Cymru yn parhau i gefnogi darpariaeth Cymraeg i Oedolion o ansawdd da sydd ar gael yn eang ond ei bod yn ystyried yn ofalus flaenoriaeth y maes hwn o fewn y strategaeth o gymharu â meysydd blaenoriaeth eraill.

Ymateb: Derbyn mewn egwyddor

Caiff darpariaeth Cymraeg i Oedolion, a phob maes gwaith arall, eu hystyried wrth i'r strategaeth gael ei gweithredu a chaiff yr adnoddau eu blaenoriaethu yn unol â hynny.

Goblygiadau Ariannol – Telir am unrhyw gostau ychwanegol drwy ailflaenoriaethu cyllidebau rhaglenni.

Argymhelliad 23

Rydym yn argymhell bod y strategaeth derfynol yn cynnwys diffiniad clir o siaradwr Cymraeg wrth werthuso a yw'r strategaeth yn llwyddo i gyrraedd ei nod o greu miliwn o siaradwyr.

Ymateb: Derbyn

Bydd Strategaeth derfynol y Gymraeg yn rhoi sylw i'r mater hwn.

Goblygiadau Ariannol Dim

Alun Davies AC, Gweinidog y Gymraeg a Dysgu Gydol Oes